

孝經本義

中 文 孝 經

孝 經 翼

孝 經 外 傳

孝 經 鄭 注





15088

212

1

孝

經

本

義

呂維祺

中華書局

孝經本義

此初據經苑本排印
此本編各叢書僅有

孝經本義序

孝經繼春秋作，蓋堯舜以來，帝王相傳之心法，而治天下之大經、大本也。此義不明，而天下無學術矣。學術荒，而天下無德教矣。韓愈有言：「堯以是傳之舜，舜以是傳之禹、湯、文、武、周公。」孔子而不言，是爲何物。程子曰：「傳孔子之道者，曾子一人而已。而不言所傳何事？」孝經非孔子之傳？曾子者乎？今夫天地渾然氣耳，而天地之性存焉；元氣混沌，孝在其中。父子之道，天性也；性之德有四，而仁爲長；大倫有五，而仁之於父子爲切。人之行有百，而孝爲原。大哉！孝乎！天不得無以爲經，地不得無以爲義，人不得無以爲行。帝王不得無以治天下國家。昔者堯之時，雍本於親睦，舜之風動本於克諧，以至三代聖王莫不以孝爲治天下之本。世衰道微，大義日晦。孔子欲以此道治天下，而道不果行，乃作孝經，以傳曾子之意者。謂堯舜以來相傳之心法，與治天下之大經、大本，不可一日不明於天下後世。而曾子篤實有孝行，故傳曾子以遞傳於今，其意與春秋相表裏。乃或火於秦，紛於漢、唐，僞於炫、邵，黜於安石。於是訓詁家各出所見，非狃承學，卽爭竇易不然，亦祇於家庭間視之一節求之，而不知其爲帝王相傳之心法，與治天下之大經、大本，遂使本旨大義，愈不明於天下後世。而明王之治，罔聞富強刑名之學，競起邪慝禍亂之作，交熾嗚呼！有如天子躬行此道於上，公卿輔之以教諸侯、大夫、士庶人，卽堯舜之時，雍風動豈在遠哉？惜乎！徒託之空言，而不獲實見諸行事也。是故孔子自言曰：「吾志在春秋，行在孝經。」夫五經不可無春秋，猶法律之不可無斷。

例也。春秋不可無孝經。猶洪水之疏滄決排。不可不歸諸海也。子輿氏曰。春秋天子之事也。愚亦曰。孝經。天子之事也。春秋成而亂臣賊子懼。孝經成而察於天地。通於神明。光於四海。其道一也。大哉。孝經乎。參兩儀。長四德。冠五倫。綱維百行。總會六經。繼二帝三王之統。以傳天下與後世。然則堯舜之傳是。孔曾之傳宗其物事。蓋可思已。昔元隱士釣滄子嘗言。聖人之經安得竟廢不行。五百年必有明王在上。興起振作。表章是經。今天子天縱大孝。同揆堯舜。而拳拳諭士人習孝經。以宋黜孝經之年計之。適符五百之期。豈非天哉。愚不敏。學識淺昧。猥以沉潛淹貫有年。乃敢折衷羣言。竊取大義。蓋欲發明孔子傳堯舜以來相傳之心法。與治天下之大經大本。而不規規於家庭間視之一節。或於孔曾傳孝之本旨。大義不甚刺謬。而於經文一字不敢移易。慎之也。誠躬逢聖天子。特加意表章頒之學官。而躬行於上。以明教化於下。由是大義明而學術正。學術正而德教興。天地之氣。吾之元氣。天地之性。吾之至性。堯舜之親睦。克諧吾本也。堯舜之欽明溫恭。吾本之本也。則凡古明王之以孝治天下者。其仰參天經。俯察地義。幽通神明。遠光四海。皆不越因心得之。而又何屑乎富強。何繁乎邪惡。禍亂。明乎此。而帝王治天下大經。大本。與其所以相傳之心法。庶不晦於天下與後世。而學者之從事於孔曾之傳者。亦可以知所本矣。明崇禎戊寅月正元日。伊雒呂維祺介孺甫序。

孝經本義卷一

明 呂維祺譏

孝經

說文孝、善事父母者。祭統孝者、畜也。經、常也。謂古先聖王興道致治之常法也。漢藝文志孝經者、孔子爲曾子陳孝道也。緯云、孔子七十二語曾子著孝經。鄭康成曰、孝經者、五經之總會也。○謹按何休稱子曰、吾志在春秋、行在孝經。孔子本欲以孝治天下、一生精神蘊結全在於此。夾谷墮費、三月大治爲之兆也。道旣不行、故口授曾子以詔後世學者要思使孔子得志行孝經時其作爲如何。

仲尼居、曾子侍。子曰、先王有至德要道、以順天下民用和睦、上下無怨。女知之乎？汝下同。

仲尼、孔子字、居閒居也。曾子、孔子弟子、名參、字子輿。侍坐也。子謂孔子、先王謂古先聖王至極也要、切要也。德者、人心所得於天之性。道者、事物當然之理。上下統下文、天子諸侯卿大夫士庶人而言。孔子言古先聖王有至極之德、切要之道、以順天下而天下之民一歸於順、故協和雍睦、上與下俱無怨尤。女知此否？蓋孔子欲傳孝道於曾子、而其道至大、難以輕言。故先發端以啓問也。○謹按所謂先王有至德要道者、見孝雖人所固有、而不能全盡、惟先王能有之也。然必以先王立言者、見孝治天下、非王者不能使孔子得明王輔之、當執此往矣。

曾子辟席曰參不敏何足以知之子曰夫孝德之本也教之所由生也復坐吾語女辟與避同夫音扶下同復扶又反語去聲禮侍坐君子更端起對敏聰達也曾子聞孔子之言甚大瞿然起敬避席立對而孔子告之所謂至德要道者非他孝也孝統衆善爲德之本本猶根也行仁必自孝始而教化由此生焉所以爲德之至道之要也語將更端曾子猶立故命之復坐而詳語之

身體髮膚受之父母不敢毀傷孝之始也膚音扶

身躬也體四肢也髮謂毛髮膚謂皮膚言人之一身父母全而生之子當全而歸之一有虧毀損傷是爲虧體辱親樂正子下堂傷足憂形於色蓋爲此也不敢毀傷者敬之至也○曾子曰身也者父母之遺體也行父母之遺體敢不敬乎○張子曰體其受而全歸者參乎

立身行道揚名於後世以顯父母孝之終也字行如

又言孝非惟不毀而已必卓然植立此身於天地之間不愧不怍中立不倚道則身之所當行者窮則獨行其道達則大行於天下雖無意求名而名自稱揚於後世迴流窮源卽父母亦有顯榮若行孝不至揚名顯親未得爲立身也始終非分先後猶言孝之始基孝之完全爾○按立身行道揚名所包最廣不專指得位事君者言事君特行道揚名中一事爾

夫孝始於事親中於事君終於立身

申結上文之意孝本愛親故以事親爲始行道揚名非事君不能全盡故以事君爲中立身行道以全

親之所付方可以爲人爲子故以立身爲終事親立身循環無端事君者所以成始成終也

大雅云無念爾祖聿脩厥德聿以律反

詩大雅文王之篇無念念也聿語助詞厥其也引詩言人能念其祖先而聿脩其德則孝之始終盡矣

右第一章蓋孔子欲明孝道之大而先發其大端以爲全經張本其下遂次第通言之而復三因曾

子之疑問以推廣其義陸象山謂孝經十八章聖人踐履實地非虛言也旨哉今文古文皆有古文首二句爲仲尼

閒居曾子侍坐子曰下有參字夫孝二字今文爲開宗明義章

謹按漢藝文志孝經一篇十八章長孫氏江翁后蒼翼奉張禹傳之各自名家經文皆同惟孔氏壁中古文爲異隋經籍志孔子旣敍六經作孝經以總會之遭秦焚書爲河間顏芝所藏漢初芝子貞出之凡十八章宋邢昺正義云劉向較經籍比量二本除其繁惑以十八章爲定不列名又有荀爽集其錄及諸家疏並無章名唯皇侃標其目冠於章首○按卷帙既多不得不分章次但題名非古也今倣中庸右第某章及論語鄉黨篇此一節例爲十八章而不列名

子曰愛親者不敢惡於人敬親者不敢慢於人

聲去

復稱子曰者蓋言甫竟而又更端是緊要提醒處或問答偶間而更言之非引語也後倣此○此承上文而首言天子之孝也惡者愛之反慢者敬之反愛親者必推愛親之心以愛人而不敢惡敬親者必

推敬親之心以敬人而不敢慢夫有所惡慢於人則愛敬其親之心薄且恐或以貽親之辱言不敢者兢業小心之極也

愛敬盡於事親而德教加於百姓刑於四海蓋天子之孝也

德教謂至德之教刑儀刑也天子謂爲天之子指有天下者言天子德教所從出四海所視微以此不敢之心盡愛敬其親之道無所不至其極而推以愛人敬人則百姓之衆皆被服其德意教化四海之大皆視爲儀刑所謂以順天下民用和睦上下無怨如此蓋天子之孝有終始當如是也蓋者約詞有不盡之意孝道廣大此特略言之爾故下必引書以明之

甫刑云一人有慶兆民賴之

甫刑卽呂刑尙書篇名一人謂天子慶作善降祥兆民庶民也十億爲兆○釣滄子曰孝者良心之切近精實者也二帝三王之心極本於孝乃齊治均平之準也

右第二章按天子建中和之極故特稱子曰以天子之孝統之以廣上文先王有至德要道以順天下之意今文古文皆有古文蓋天子章孝無也字今文爲天子章

在上不驕高而不危制節謹度滿而不溢高而不危所以長守貴也滿而不溢所以長守富也

是平此言諸侯之孝也在上在一國臣民之上驕矜肆也高處尊位也危將墜而不安也制節制財用之節謹度謹禮法之度滿處富足也溢汎溢也位尊曰貴財足曰富諸侯貴踞一國之上如自高臨下處之

者易以危富。有一國之財，如水滿器中，持之者易以溢。有如不自矜肆，雖高不危。謹守節度，雖滿不溢。不危則不失其位，不溢則不至悖出。

富貴不離其身，然後能保其社稷，而和其民人。蓋諸侯之孝也。聲去

社主土，稷主穀。民生所賴以安養者，諸侯謂公侯伯子男。指有一國者言。諸侯爲社稷之主，必不危不溢。長守富貴，不至離其身，然後能保守社稷，而民人和悅。諸侯之孝有終始，當如是也。

詩云：戰戰兢兢，如臨深淵，如履薄冰。

詩小雅小旻之篇，戰戰恐懼，兢兢戒謹。臨淵恐墜，履冰恐陷。引此以明不危不溢之意。○謹按此詩是傳孝心法，乃曾子平生著力處。後當有疾，口詠此詩以傳示弟子。易簣之夕，必曰：吾得正而斂焉，得力於此多矣。故聖門惟曾子之傳，爲得其宗焉。

右第三章今文古文皆有古文無

非先王之法服不敢服，非先王之法言不敢道，非先王之德行不敢行。下擇行行滿同

此言卿大夫之孝也。法服、法度之服，先王制章服各有品秩。法言、法度之言，德行、心有所得而見之躬行者，服之不衷，身之災也。非法服而服之，是僭上偪下。非法言，是妄言也。非德行，是僞行也。服之、言之、行之，有虧孝道，故三者皆不敢也。

是故非法不言，非法不行，口無擇言，身無擇行。言滿天下無口過，行滿天下無怨惡。惡去

是故言必守法行必遵道口之所言身之所行皆遵道法故無可擇言之多雖至於滿天下無率口之過行之多雖至於滿天下不招人之怨惡卿大夫立朝則敷奏接賓出使則將命布德故言行可滿天下○草廬吳氏曰人之相與先觀容飾次交言辭後考德行孟子言服堯之服誦堯之言行堯之行意與此同首服次言次行者蓋先輕而後重是故以下申言行而不及服者蓋詳重而略輕故下文又以三者總結之也

三者備矣然後能守其宗廟蓋卿大夫之孝也詩云夙夜匪懈以事一人懈居反

三者法服法言德行也宗廟者按祭法天子七廟諸侯五廟卿大夫三廟卿大夫通指王朝列國而言卿大夫世守宗廟僭服妄言僞行有一則不免於罪廢惟法服法言德行之三者全備而後能保守宗祀蓋卿大夫之孝有終始當如是也詩大雅烝民之篇引仲山甫修其威儀爲王喉舌夙夜小心式於古訓不敢懈怠以事其君以明卿大夫之孝

右第四章今文古文俱同今文爲卿大夫章

資於事父以事母而愛同資於事父以事君而敬同故母取其愛而君取其敬兼之者父也

此言士之孝也資藉也取也言愛父與愛母同敬父與敬君同母非不敬以愛爲主君非不愛以敬爲主兼愛與敬惟父而已皆本人性自然而然非有所強也此移孝爲忠之道所由生也故以孝事君則忠以敬事長則順長上聲

故承上文而言忠，謂盡心無隱順，謂循理無違。士初離膝下，方登仕籍，或未盡知事君之道，第用事父之孝以事君，則爲忠矣。卽用事父之敬以事長，則爲順矣。長謂士之上有卿大夫爲之長也。

忠順不失，以事其上，然後能保其祿位，而守其祭祀。蓋士之孝也。
士如上士、中士、下士，指已仕者言。合忠與順而不失其道，以事君與長，然後能安保其俸廩之祿。官爵之位，而永守其祖先之祭祀。惟士無田，則亦不祭，故祿位與祭祀相關。蓋士之孝有終始，當如是也。

詩云：夙興夜寐，無忝爾所生。

夙音宿寐密二
反忝他點反

存心養性爲匪懈。
詩小雅小宛之篇，引詩言早夜敬謹，無辱所生之親，以明忠順不失之意。○張子曰：不愧屋漏爲無忝。

右第五章。古文今文皆有古文保其祿，今文爲土章。

用天之道，分地之利，謹身節用，以養父母。此庶人之孝也。

聲去

春生夏長，秋收冬藏，舉事順時，用天道也。分別五土，視其高下，各盡所宜，分地利也。不順天道，物無以生，不辨地利，物無以成。二者皆得，則生植成遂，衣食足矣。尤必謹守其身，而不敢放縱，節其財用，而不敢奢侈。以此養其父母，不徒養口體，且養志矣。庶人之孝有終始，惟此而已。○謹按此章，變蓋言此者，天子、諸侯、卿、大夫、士，其應行之孝道甚廣，所言亦未敢以爲盡。故云蓋，而猶必引詩書證之。若庶人之孝，其理易明，其事易盡，故直指之曰此，而不必引詩矣。

故自天子至於庶人孝無終始而患不及者未之有也。

故自天子下至於庶人雖有尊卑之分其根於一本則一孝雖有五等之別其始於事親終於立身則一有如立心不純用力不果其於立身之終事親之始皆無成就如是而禍患不及必無之理也孔子爲天子庶人通設此戒以結上文之旨可謂至徹切矣。

右第六章按經之首統論孝之始終中乃推極孝之通於天下而末總結之朱子曰首尾相應次第相承文勢連屬脉絡通貫至矣今文古文皆有古文分地之利爲因地之利自天子句多子曰已下四字今文爲庶人章

曾子曰甚哉孝之大也子曰夫孝天之經也地之義也民之行也行去聲下同

此因曾子之贊而推言之以明本孝立教之義曾子平日以保身爲孝不知孝之通於天下其大如此故極贊之而孔子言民性之孝原於天地天以生物覆轉爲常故曰經地以承順利物爲宜故曰義得天之性爲慈愛得地之性爲恭順即此是孝乃民之所當躬行者故曰民之行○西山真氏曰人與天地並立而爲三者形有大小之殊理無大小之間

天地之經而民是則之則天之明因地制宜以順天下是以其教不肅而成其政不嚴而治去聲

則法也孝者天地之常經而民所取以爲法則者但民不能自則聖人乃則之也經故常明義故利物則其明因其利以順天下愛敬之心而立之政教是以教不待戒肅而成政不待威嚴而治者無他也蓋以孝爲天性之自然人心所固有是以其化之神如此○慈湖楊氏曰民自膝下嬉嬉皆知愛親愛

其親之心。曰孝。天之健行。地之博載化生。一以貫之。○謹按上言天之經。地之義。下言天地之經。言經而義在其中矣。下又變經言明。變義言利者。經常明義利物。非有二也。皆文法錯綜。極變化之妙。非聖人不能道。或改利爲義。非也。

先王見教之可以化民也。是故先之以博愛。而民莫遺其親。陳之以德義。而民興行。先之以敬讓。而民不爭。導之以禮樂。而民和睦。示之以好惡。而民知禁。詩云。赫赫師尹。民具爾瞻。好去聲。惡烏路反。赫許格反。

教承上不肅而成之教。言政教皆可化民。而以孝立教。其化尤神。是以先王有見於此。而必以身先之也。博廣也。謂廣其愛於親也。遺棄也。陳布也。導引也。示昭明之也。禁知所禁止。而不敢犯也。博愛敬讓。以身前乎民。故兩曰先之。德義之美可布。故陳之。禮節樂和。有節文聲容可引。故導之。善當好惡。當惡。善有慶。惡有刑。可以昭明勸戒。故示之。此五者。皆則天地之經。以孝教民之目也。民之化之。捷於影響。甚矣。教之可以化民也。引詩小雅節南山篇。以證教明於上。民化於下之意。○周子曰。聖人立教。俾人自易其惡。

右第七章。前章之語已終。因曾子贊之。而復極言本孝立教之義。其下七章。皆推廣此意。而反覆言

之。今文古文皆有古文爲三才章句俱無也字

子曰。昔者明王之以孝治天下也。不敢遺小國之臣。而況於公侯伯子男乎。故得萬國之懽心。以事其先王。治平聲。下同。

此又廣上文教可化民之意而極言之。明王明聖之王，卽首章之先王也。遺忘也。小國之臣，謂子男以下之臣也。其先王，指明王之先王也。言明王見理最明，故以孝治天下。愛敬其親，不敢惡慢於人。雖小國之臣，尙不敢忘。況公侯伯子男五等之君乎？故得萬國歡悅之心。尊君親上，同然無間。人心和而王業固。社稷靈長，世德光顯。以此事其先王，孝道至矣。教之本立矣。○謹按孔子之稱明王曰：「不敢遺小國之臣，不敢之心。」卽前不敢惡慢於人之心，一於敬也。堯舜之道，孝弟而已。然以欽明溫恭，開萬世治道之源。禹以祇台幹父之蠱湯，以聖敬肇修人紀。文武以敬止執競而止孝達孝，可見帝王傳授孝道心法。止此一敬，有天下者所當深念也。

治國者，不敢侮於鳏寡，而況於士民乎？故得百姓之懼心，以事其先君。治家者，不敢失於臣妾，而況於妻子乎？故得人之懼心，以事其親。頌古反

以此教諸侯，而治一國者，不敢侮慢於無妻之鰥，無夫之寡。況知禮義之士與齊民乎？緣此，故得一國百姓之懼心，以事其先君。以此教卿大夫士庶人，而治一家者，不敢有愆失於臣僕妾侍之疏賤。況妻子之貴而親乎？緣此，故得一家人之歡心，以事其親。此皆明王之有以教而化之也。

夫然，故生則親安之，祭則鬼享之。是以天下和平，灾害不生，禍亂不作。

氣屈而歸曰鬼。災害如水旱疾疫之類，生於天者也。禍亂如悖逆篡叛之類，作於人者也。承上三節，誠然。故親生而存，則安其養而心志和。親歸而鬼，則享其祭而魂魄寧。盡天地間，無非一孝所薰蒸心和。

氣和天地之和應之。天下無不歸於太和蕩平。而災害禍亂自潛消默化矣。

故明王之以孝治天下也如此。詩云有覺德行。四國順之。行去聲。

故總結之曰。此明王之以孝治天下也如此。蓋由天子身率於上。諸侯以下化而行之。故能如此也。末引大雅抑之篇。以證明王孝治天下之意。覺明也。詩註大也。○慈湖楊氏曰。此章發明道心之至和。何其深切著明也。每誦此章。如春風和氣油然動于中。而自不能喻。如身在唐虞三代之盛世也。

右第八章。王之以孝治天下也如此。無也字。今文爲孝治章。